

Na osnovu člana 4.2 i 4.7. Zakona o prijenosu, regulatoru i operatoru sistema električne energije u Bosni i Hercegovini ("Službeni glasnik BiH", br. 7/02, 13/03, 76/09 i 1/11), člana 33. Poslovnika o radu Državne regulatorne komisije za električnu energiju ("Službeni glasnik BiH", broj 2/05) i člana 57. stav 1. tačka a) Pravilnika o licencama ("Službeni glasnik BiH", broj 87/12), Državna regulatorna komisija za električnu energiju, na sjednici održanoj 24. juna 2015. godine, donijela je

**ODLUKU**  
**O SUSPENZIJI KORIŠTENJA LICENCE ZA DJELATNOST MEĐUNARODNE TRGOVINE**  
**ELEKTRIČNOM ENERGIJOM**

1. Korištenje licence izdate "EL-EN Solution" d.o.o. Banja Luka za obavljanje djelatnosti međunarodne trgovine električnom energijom, suspenduje se, na zahtjev korisnika licence, do 31. oktobra 2019. godine.
2. Ova odluka stupa na snagu danom donošenja i bit će objavljena u "Službenom glasniku BiH" i službenim glasilima entiteta.

**Obrazloženje**

Društvo "EL-EN SOLUTIONS" d.o.o. Banja Luka podnijelo je Državnoj regulatornoj komisiji za električnu energiju (u daljem tekstu: DERK) zahtjev, zaveden pod brojem: 05-28-12-185-1/15 od 26. maja 2015. godine za suspenziju licence do kraja perioda na koji je izdata, odnosno do 31. oktobra 2019. godine.

Naime, podnosiocu zahtjeva je odlukom DERK-a od 3. novembra 2014. godine pod brojem: 05-28-12-273-17/14 izdata licenca za obavljanje djelatnosti međunarodne trgovine električnom energijom na period od 1. novembra 2014. godine do 31. oktobra 2019. godine.

Polazeći od nespornog prava podnosioca zahtjeva kao vlasnika licence da u smislu člana 57. Pravilnika o licencama zatraži suspenziju iste, uz priloženi dokaz o prethodno izvršenoj uplati naknade za rješavanje zahtjeva za suspenziju, odlučeno je kao u dispozitivu ove odluke, te se korištenje licence suspenduje do 31. oktobra 2019. godine.

Sloboda je izbora vlasnika licence da u skladu sa svojim poslovnim interesima disponira pravom da određeno vrijeme prestane obavljati djelatnost međunarodne trgovine električnom energijom, da namjeru korištenja tog prava prijavi regulatoru i da o tome pribavi regulatornim pravilima propisanu odluku. DERK će, međutim, ovu činjenicu, kao i razloge za podnošenje zahtjeva za suspenziju uzimati u obzir kod ocjene tehničkih, ekonomskih i finansijskih kapaciteta vlasnika licence i drugih kriterija prilikom eventualne dodjele nove licence, te pratiti dalji pravni status dozvole podnosioca zahtjeva koju mu je Regulatorna komisija za energetiku Republike Srpske izdala za obavljanje djelatnosti trgovine i snabdijevanja električnom energijom na teritoriji Bosne i Hercegovine.

U skladu sa članom 9.2 Zakona o prijenosu, regulatoru i operatoru sistema električne energije u Bosni i Hercegovini, protiv ove odluke može se pokrenuti postupak pred Sudom Bosne i Hercegovine podnošenjem tužbe u roku od 60 dana od dana objave ove odluke.

Broj: 05-28-12-185-3/15

24. juna 2015. godine

Tuzla

Predsjedavajući Komisije

Nikola Pejić